

ABADENNOU-DAÑS KENTAÑ BA'R C'HASTELL-NEVEZ

*Par Yann Meur **

E 1950, ba'r C'hastell-Nevez, oa deut ar sonj adsevel ur c'honkour dañs 'vel vize kavet araok ar brezel, betek ar bloavezhioù tregont, da vare ar foarioù, war ar plasennoù. Lañset oa bet an abadenn ga' Jo Ar Gall, o Studiañ medisinerez ba' Paris du-he, ha ma zad, Jorj Meur, studier 'ba' Skol injenier al labourioù publik Paris. Tal e di 'n em zirolle an traoù 'blam' oa dañset war blasenn Sant-Mikael, lec'h talc'he ma zad-kozh Guillaume Meur ur stal d'ober war-dro an diennerez, ar marc'h-houarn hag ar c'harr-tan.

Lak' rae daou soner yaouank ar gristenien da fiñval. Jorj Meur, e vombard gantañ, oa ambrouget 'ga' Jo Journeau, pe Jo Ar Gall, e vinioù bras mod skaos dindan e vrec'h. Ne oa ket deut ar c'hiz en-dro c'hoari gant ar binioù breizhat.

Touesk ar varnerien 'n gave 'n aotroù Gall kozh (graet *an Negus* deusoutañ), medisin bet gwechall barzh an Unvaniezh Rannvroel Breizh, ha Guillaume Meur, deut gantañ maout ar c'honkour-dañs pevarzek gwech, pell oa dija, 'raok bezañ bet lakaet 'maez 'benn laesk plas d'ar re all. E gavalierez deus an amzer gozh-se oa bet goulet gati dont da varnañ i'ez, 'n Itron Hie, maouez he bazar en-dro de'i ba' straed an ti-kêr.

Koue'et ma zad poatriner, aet neañ kuit da vro Suis barzh un ti 'reseviñ an dud tapet kleñved an droug-skevent gate, n'eo ken met e fin bloavezh 1957 e vo savet ar fest-noz gantañ ba'r C'hastell Nevez. Ba' sal Prigent, *Roz Aon* he añv en devezh hirie. Tremenet brav ha resevet dispar an traoù. Ar bloazh warlerc'h oa bet unan all, graet ba' porzh *Kermoad*, un ti-ferm deus Ar C'hastell-Nevez, savet ga' Loeiz Ropars ha ma zad dre añv *Kendalc'h*, ar wech kentañ de'i kinnig he staj-hañv ken brudet all ba'r gomun. Bez' oa bet ur c'honkour kan ha diskan, gone'et ar priz ga' Herri Rumen hag ar factor bi'n Per ar C'hefeleg, kastellneveziz o-daou.

E 1959, sal Prigent adarre, daou dra spontus o c'hoarve'o ! Evit ar wech kentañ pe dost, oa kavet barzh ur fest- noz, war an dro, mikroioù hag ar pemp merc'h *Goadec* 'sambles (unan deusoute oa chom ba' Kerrioù, ba' r C'hastell-Nevez). Goude-se, kelc'h keltieg *Roz-Aon* ginnigo deomp bep bloazh ur fest-noz ga' kanerien ha sonerien daou-ha-daou feson : Per Guillou, René Henry, Yann Goas, Herve Irvoas hag all. Pebez plijadur ! Ne oa ket ezhom deus an Unesco. Trawalc'h ga' youl vat ha spered ar vro !

Yann Meur